



Claudii Fleurii Abbatis Historia Ecclesiastica

Ab anno Christi 1551. usque ad annum 1553

Fleury, Claude

August. Vind. [u.a.], 1771

VD18 90118561

§. 119. Ferdinandus ob Martinusii cædem anathemate a Papa perculsus.

[urn:nbn:de:hbz:466:1-66577](https://nbn-resolving.de/urn:nbn:de:hbz:466:1-66577)

Sæcul. XVI. nec litro, nec commutatione aliorum,
A.C. 1552. quos Ferdinandus in sua potestate ha-
 buerat, redimi potuerint.

§. CXIX.

*Ferdinandus ob Martinusii cædem &
 nathemate a Papa percussus.*

*Thuan. l. 10.
 Rayn. hoc
 ann. n. 45.
 & seq.* Sinistri ejusmodi armorum Successus
 comprobare videbantur veritatem il-
 lius præsigii, quo ex tragica Martinu-
 si Cardinalis nece nonnisi novi in Regno
 tumultus exorituri prædicebantur: cum
 autem summus Pontifex judicii acta ob-
 præfati Cardinalis cædem instructa tan-
 dem finiri peteret, justa indignatione
 accensus sanctiorem Patrum Senatum
 coegit, totamque rei seriem maturius
 discuti jussit, & quamvis de Austriacæ
 Domus honore ageretur, hoc tamen
 facinus adeo atrox videbatur, ut nihil
 suum æquæ ultiōnis propositum retar-
 dare posset: igitur præprimis Ferdinan-
 do diem dicebat, ut Romæ suam cau-
 fam defenderet: porro cum tam Romanorū
 Regis, quam Cæsarī Fratris
 sui Oratores caussam vehementer, fru-
 stra tamen urgerent, Julius Papa eis
 „hæc reposuit, si Martinusius Vir fuit tot
 „sceleribus obnoxius, quare illum ad
 „purpuram promoveri rogasti? cur
 „Sacrum Collegium in ejus favorem
 „tam

„tam importunis precibus sollicitastis, re- Sæcul. XVI.
„umque tanquam Virum meritorum e- A.C. 1552.
„minentia, animi magnitudine & probatæ
„virtutis laude celeberrimum deprædi-
„castis, nec non ejus obsequia veluti
„Christianæ Reipublicæ summopere ne-
„cessaria extulisti? quapropter Ponti-
fex nulla habita precum ratione, serva-
tis omnibus juxta legum præscripta ne-
cessariis solemnitatibus in Ferdinandum,
hujusque cædis Auctores, fautores, ac
focios excommunicationem, ut vocant,
majorem fulminabat, edito hanc in rem
diplomate Mensa Aprili, jussuque Pon-
tificis hæc sententia fuit typis impressa,
ut apud omnes Christianos promulgata
affigeretur. (*)

§. CXX.

*Hujus sententiae dilatio a Cæsare Ro-
mæ impetrata.*

Hæc sententia cum Carolum V. valde Raynald. I.
affligeret, acrius apud Pontificem c. n. 5.
instabat, ut saltem hujus anathematis

exe-

(*) Ferdinandi vindiciæ legi possunt apud Odoricum Raynaldum loc. cit. & Nicolaum Psalmæum in actis Concilii Tridentini fol mihi 283. vide quoque Petri de Reva centuriam VI. apud Schwandnerum t. 2. de Scriptoribus rerum Hungaricarum fol. mihi 730. 734. & seq.